



13
1787
34



門 13
A 1787
卷 34



聞見錄 呂文穆公既致政居洛真宗祀汾陰幸其宅問曰卿諸

子孰可用對曰有姪夷簡任穎州推官宰相才也遂至大用

胡氏家傳忠獻王琦徙開封府推官理事不倦暑月汗流浹背

府尹王博文大器重之曰此人要路在前治民如此真宰相器

也宋范如奎授武安軍節度推官始至將帥將斬人謂已署公

策對除太子中允劉贄以

宋史蘇頌字子容為南京留守推官歐陽公一以府政委之曰

子容處事精密一經閱覽則某不復省矣

戴石屏上蕭節推詩掇取高科如拾芥愛君才調望君深莫誇

書判居蓮地要把文章入禁林南史王儉以庾果之為長史蕭

庾景行泛綠水芙蓉何其麗也時以儉府為蓮花池宋晏元獻

為上客

類聚後漢有郡主簿官晉為督郵皆太守自辟掌總錄衆曹文簿舉彈善惡其後刺史有軍而開府者並置之隋初以錄事參軍為郡官則并州郡主簿之職皆吏部選除煬帝置郡有東西曹掾及主簿唐武德復為錄事開元改司錄參軍五代中下州錄事三考者注劇縣宋沿唐制州有錄事參軍然不盡置也諸府為司隸諸州為錄事乾興元年丁度中請諸州始各置錄事參軍元各路置錄事司有諸錄事司達魯花赤并錄事正八品錄事判官正九品

吳錄孫郡北海人為孔融功曹融曰廊廟才也後為吳丞相歷果綿遂懷四州刺史嘗謂錄事參軍任紹業曰子紀綱一州能効刺中乎紹業出條所失示之驚曰能知吾失御史才也

晉書羅含字君章太守謝仁祖一見稱為湘中之琳瑯自江下

從事轉主簿六帖糾繩大郡管轄外臺置標府掾任重功曹苟非三語之才則忝六聯之首常集宜列府縣之職

俾展官常之效錄參制往參都錄胡文恭制馴置州綱

唐書裴琰之為司戶參軍凡舊事未決命書吏數人連紙數幅

須臾判斷並畢時號霹靂手

東坡集張乖崖在蜀有錄事參軍老病廢事公責之曰胡不歸明日參軍求去且以詩留別曰秋光却似宦情薄山色不如歸興濃驚謝之曰吾過矣同寮有詩人而吾不知因留而薦之言行錄杜祁公知永興軍辟孫甫之翰司錄事一以委之孫歎曰待我以此可以去矣祁公為謝之乃從容陳當世之務祁曰喜得友矣

陳章甫糾曹廳壁記漢官儀郡主簿秩四百石綱紀一郡糾整
 不法岳牧無政蒼生有瘼則天子責我汙吏浸人奸聲載路則
 使臣責我吏不述職曹有留事則千二石責我役奪人時官有
 虐典則黎元怨我由此觀之錄事參軍待責之府所以天官署
 吏獨難其人

縣令

類聚周制四百里為縣官有縣正各掌其縣之政令而賞罰之
 春秋千里有縣縣有四郡時縣大而郡小上大夫受縣下大夫
 受郡縣邑之長曰宰曰尹曰公曰大夫戰國以來郡大而縣小
 秦有縣令長漢因之凡掌治其縣萬戶以上為令減萬戶為長
 侯國為相秩亦如之凡縣道國邑千五百八十七

列侯所食縣為國皇太后

皇后公主所食曰邑有蠻夷曰道

漢每縣邑道大者置令一人千石其次置長

四百石小者置長三百石侯國之相秩次亦如之凡縣有蠻夷
 曰道公主所食湯沐曰國縣萬戶以上為令不滿為長侯國為
 相皆秦制也凡掌治民顯善勸義察奸罰惡理訟平賦恤民時
 務秋冬集課計上於所屬郡國晉制大縣令有治績官報以大
 郡不經宰縣不得入為臺郎宋諸縣署令銅印墨綬進賢兩梁
 冠自晉宋以後令長國相皆如漢制北齊制上中下九等唐制
 縣有六等之差赤畿望緊上中下京都所治為赤縣旁縣邑為畿縣其餘則以戶口多少地美惡為差凡
 一千三百七十三縣縣丞為之或宋建隆元年天下諸縣除赤
 畿外有望緊上中下掌總治民政勸課農桑凡戶口賦役錢穀
 賑給出納之事皆掌之有孝弟行義聞于鄉閭者中州激勸以

勵風俗有成兵則兼兵馬都監或押衙三年始以朝臣為知縣
 其間復參用京官或幕職為之政和二年詔縣令以十二事勸
 課農桑元以縣分上中下三等每縣各有達魯花赤掌縣之印
 以知縣為縣尹掌判署事又有赤縣達魯花赤赤縣尹 國朝
 於兩畿置京知縣正六品其丞簿比外各加一品外各省置知縣
正七品有縣丞正八品主簿正九品典史未入之職
 用府元龜魯謂之宰仲尼為中都宰是也齊謂之大夫齊威王
 封即墨大夫烹阿大夫是也楚謂之尹沈尹戌為方城之外縣
 尹是也亦謂之公葉公諸梁是也

左傳鄭子皮欲使尹何為邑子產曰少未知可否子皮曰愿吾
 愛之使往而學焉子產曰吾子愛人則以政猶未能操刀而使
 割也其傷實多子有美錦不使人學製焉大官大邑身之所庇
 而使學者製之其為美錦不亦多乎

家語孔子謂宓子賤曰子治單父衆悅子何施而得之也對曰
 不齊之治也父恤其子其子卹諸孤而哀喪紀孔子曰善小節
 也小民附矣猶未足也曰不齊所父事者三人所兄事者五人
 所友事者十一人孔子曰父事三人可以教孝矣兄事五人可
 以教悌矣友事十一人可以舉善矣中節也中人附矣猶未足
 也曰此地民有賢於不齊者五人不齊事之而稟度焉皆教不
 齊所以治之道孔子歎曰其大者乃於此乎有矣昔堯舜聽天
 下務求賢以自輔夫賢者百福之宗也神明之主也惜乎不齊
 之所以治者小也

子路治蒲三年孔子入其境曰善哉恭敬以信矣入其邑曰忠信以寬矣至其庭曰明察以斷矣

子路治蒲對孔子曰邑多壯士又難治也子曰恭而敬可以攝

勇寬而正可以懷強愛而恕可以容困溫而斷可以抑奸則政

不難矣董安于治晉陽問政于蹇老答曰曰忠曰信曰

敢子曰何謂也曰忠於上信于令敢於不善人呂氏春秋宓子賤為單父宰適于陽晝曰予亦有以送子夫投

綸錯餌迎而吸之者陽鱈也其為魚薄而不羨若存若亡若食

若不食者魴也其為魚也博而厚味子賤曰善於是未至單父

寇蓋迎之者交接於道子賤曰車驅之夫陽晝之所謂陽鱈者

至矣於是至單父請其耆老尊者而與之共治單父文粹賈至

頌鳴琴湯湯瑟子之堂清靜無為邑人以康流風化淳霸俗致

王誰謂陽鱈革而為魴鱸鱸黃髮或師或友凡凡交苗不糧不

秀齊師已卻

魯俗斯阜韓詩外傳子賤治單父彈鳴琴身不下堂而單父治巫馬期以

星出以星入日夜不處以身親之而單父亦治巫馬期問於子

賤子賤曰我任人子任力任人者佚任力者勞人謂子賤則君

子矣賢爽編當官既自廉潔又須防閑小人如文字歷引之類

皆須明白以防中傷前人常言吏人不怕嚴則怕讀蓋當

官者詳讀公案則情說苑孔子弟子有孔蔑者與宓子賤皆仕孔子過孔蔑問之曰

自子之仕者何得何亡孔蔑曰自吾仕者未有所得而所亡者

三王事若襲學焉得習以是學不得明也奉祿必鬻鬻不足及

親戚親戚益疎矣公事多急不得弔死視病是以朋友益疎矣

復往見子賤曰自子之仕何得何亡子賤曰自吾之仕未有所

亡而所得者三始誦之文今復而行之是學自益明也奉祿雖少嚮鬻得及親戚是以親戚益親也公事雖勞夜勤弔死視病是以朋友益親也

新序子奇年十八齊君使之治阿既行矣悔之使使追之曰未至阿及之還之已至勿還也使者及之而不還君問其故對曰臣見所與共載者白首也夫以老者之智以少者之決必能治阿矣是以不還至阿鑄其庫兵以為農耕器出倉廩以賑貧窮阿縣大化

古文苑孫叔敖碑優孟歌曰貪吏不可為而可為廉吏可為而不可為貪吏而不可為者當時有污名而可為者子孫以家成廉吏而可為者當時有清名而不可為者子孫困窮被褐而負

薪貪吏常苦富廉吏常苦貧

談苑有人問秀州崇德縣民長官清否答曰漿水色言不清不濁也

史記子產治鄭民不能欺子賤治單父民不忍欺西門豹為鄴令民不敢欺三子之才孰最賢哉

前百官表縣令長皆秦官掌治其縣萬戶以上為令皆銀印青

綬秩比六百石以下皆銅印墨綬

六帖一同布政百里宣風谷東阿王書地方一同雷震百

里白集今之邑令古之男也

漢官儀明帝臨觀見洛陽令車騎意河南尹及至而非尤其太盛勅去軒綬時偃師長治有能名以事詣臺因取賜之下縣遂為故事

元和二年詔曰安靜之吏悃悃無華日計不足月計有餘如襄城令劉方吏人同聲謂之不煩雖未有他異斯亦殆近之矣

後漢書仇覽為蒲亭長勸人生業農畢乃令子弟群居就學輕
恣者役以田桑期年稱大化覽初到有陳元與母居告元不孝
覽曰吾近觀元井落整頓耕耘以時此非惡人也是仇覽未至
耳乃親到元家與母子飲因陳人倫孝行元卒成孝子鄉邑謗
曰父母何在在我庭化我鷓臬哺所生唐常景駿為貴鄉令有
母子相訟者景駿曰令
少不天常自痛爾幸有親而忘孝耶教之不孚令之罪也鳴
咽流涕付授孝經使習大義於是子母感悟請自新為孝子
循吏傳潁川四長茲以仁信篤誠使人不欺謂荀淑為當塗長
韓韶為羸長陳寔為太丘長鍾浩為林慮長淑等皆潁川人也
朱晝顧凱之為山陰令邑三百戶凱之御繁以約晝日垂簾門
堦閑寂自宋世為山陰務簡而事理莫能尚也

令還山陰令二縣皆謂之傳聖父子並著奇績時云諸傳有治
縣譜子孫相傳不以示人時劉玄明亦有吏能歷山陰令政常
為天下第一琰子翮代玄明為山陰問玄明答曰我有奇術鄉
家譜所不載臨別當相示既曰作縣令唯日食一升飯而莫飲
酒此第一策也

梁書樂法才為建康令不受俸秩比去將至百金縣曹啓輸臺
庫武帝嘉其清白曰居職若斯可謂百城表矣漢胡紹為河內
懷令三日一視

事十日一詣倉受俸米於閣外炊作乾
飯食之不設斧竈政清教平為三河表

世說楊德幹為萬年令高宗朝有宦官恃寵放鷓不避人禾稼
德幹杖之二十悉拔去鷓頭宦者涕泣袒背以示帝帝曰情知
此漢惲何須犯他百姓異苑萬亮為永康令嚴刻人憚之乃以
桃木刻作亮身燒柴煮湯火熾桃人自

鼎跳

唐書開元初常濟調郵城令既衆謝有詔問所以安人者對凡

二百人惟濟居第一不能對者免官梁武帝每選良吏務簡廉

著令小縣有能遷為大縣令大縣有能遷為二千石為吏者往往承風斯亦近代獎勵之方也

常景駿神龍中為肥鄉令縣界漳水連年泛溢景駿審其地勢

增築隄防遂無水患開元中為貴鄉令遷趙州長史路由肥鄉

人吏驚喜競來犒餞留連彌日有童幼數人年甫十歲亦在其

中景駿謂之曰計吾去此時汝輩未生既無舊恩何慙懃之

甚也咸對曰此聞長宿傳說縣中解宇學堂館舍堤橋竝是明

公遺跡將謂古人不意得瞻覩不覺欣戀倍於常也

李元紘開元初為好時令賦役平允不嚴而治大有政聲遷潤

州司馬發離百里士民號泣遮路烏鵲之類飛擁行車有詔褒

美之

李杲為洛陽令嚴毅公正縣務清簡有進士劉兼過其境外聞

戶外相語聲曰李令今古正人也見其行事令人破膽可於他

邑求血食也蕪啓門視之寂無影響方知乃邑之妖神也兼遂

書贊一首於村邸之壁云狡吏畏威縣妖破膽好錄政聲聞於

御覽

蔣欽緒子況乾元中歷陸渾監屋成陽高陵四令美政流行長

老紀焉郭子儀軍出縣敕麾下曰蔣令賢令也供億當有數十

得蔬飯足矣母撓其清石漬子吏治篇曰財之於人者猶賦之

也下取百矣我取十也下取千矣故我以之適口也而民以之

之以券田廬也我以之納交也而民以之鬻妻子也以此思清清其有不至乎

馮元叔歷浚儀始平二縣單騎赴職未嘗以妻子之官所乘馬

不與芻豆令作齋馬

吳靖為長沙令一日自嘆曰讀五車書辛苦十年不得綴鴛鴦之班髮白蹤跡飄零

尚為百里陶元亮何人耶

李白去思碑李錫字元勳為虞城宰官宅舊井水清而味苦公

下車嘗之莞爾而笑曰我苦且清足以符吾志也遂汲不改變

為甘泉蟲丘館東有三柳馬公往來憇之飲水則去行路勿剪

比于甘棠

九國志閩賈郁性峭直不容人吏文過時為仙遊令及受代有

一吏酗酒郁怒曰吾當再典此邑以懲汝輩吏揚言公欲再作

縣令猶造鐵船渡海也復典舊邑時醉吏為庫吏不數月盜官

錢數萬下獄具伏郁批前牘尾曰竊銅錘以潤家非因鼓鑄造

鐵船而渡海不假鑪鎚因決杖徙之未幾移治福清召為御史

中丞

宋晝文潞公為榆次令嘗題縣鼓樓曰置向誰樓一任撾撾多

撾少不知他如今幸有黃紬被拿出頭來放早衙太祖謂一縣令曰切勿於

黃被裏放衙

魏野詩憂民如有病見客似無官韓駒父詩縣古槐根老官清

馬骨高

古詩雨後有人耕綠野月明無犬吠花村

類聚秦制萬戶以上為令減萬戶為長皆有丞尉漢縣丞尉多

以本部人為之三輔縣則兼用他郡諸縣皆有主刑獄囚徒唐

置京縣丞三員北京大原晉陽各置一人高宗始為品官吏部

選授為縣令之貳宋不置丞天聖中因蘇耆請開封兩縣始各置丞一員在簿尉之上仍於有出身幕職令錄內選充崇寧二年宰臣蔡京請縣並置丞一員以掌其事元上縣有縣丞縣丞中下縣則不置丞

漢景帝紀縣丞長吏也百官表縣百里以上為令皆有丞尉秩四百石至二百石是為長吏

後漢書張玄字君夏遷陳倉縣丞清淨無欲專心經書時扶風徐業亦大儒也聞玄諸生試引見之與語大驚曰今日相遭真解蒙矣遂請上堂難問極日

唐書陸景倩為扶溝丞河南按察使畢構覆州縣殿最欲必得實有吏言狀曰某疆清某詐清惟景倩曰真清終監察御史

昂集獨破君上逼宰君下維羣尉文墨教令不專在躬然力行務仁推誠愛物謳吟者不歌其宰頌議者必歸於丞

王義方坐與張亮交通貶為儋州吉安丞行至海內舟人將酒以脯致祭義方曰黍稷非馨馨在明德酌水而祭時當盛夏風濤蒸毒既而開霽南渡吉安蠻俗方梗義方召諸首領集生徒親為講經行釋奠禮清歌吹籥而登降有序蠻酋大服

唐宗安恭為龍

門丞年已五十數年而登列岳每謂寮屬曰公輩但守清白何憂不遷語云雙陸無什勢余以為仕宦亦無休勢各勉之

通典縣有七司丞為副貳如州上佐

六帖佐理一同貳職百里百官志丞署文書典知倉

獄張鷟云九千里之丹鳳自下升高七十日之黃龍從微至著注宋玉曰鳳凰上擊九千里翱翔乎窈冥之上藩籬之鷦豈得料其高哉士亦然矣相書占氣要曰日中有黃氣如龍七十日遷為丞也

韓愈藍田縣丞廳壁記丞之職所以貳令於一邑無所不當問其下主簿尉主簿尉乃有分職丞位高而偏例以嫌不可否事文書行吏抱成案詣丞卷其前鉗以左手右手摘紙尾鴈鴛行以進平立睨丞曰當署丞涉筆占位署唯謹目吏問可不可吏曰得則退不敢畧省漫不知何事官雖尊力勢反出主簿尉下効數慢必曰丞至以相訾警丞之設豈端使然哉博陵崔斯立種學績文以蓄其有泓涵演迤日大以肆元和初為丞邑始至喟然曰官無卑顧材不足塞職既禁不得施用又謂曰丞哉丞哉余不負丞而丞喜負余庭有老槐四行南墻鉅竹千挺儼立若相待水澆澆循除鳴斯立痛掃漑對樹二松日哦其間問者輒對曰余方有公事子姑去

南部新書張子雨為下邳令張晴為縣丞二人俱有聲氣而善言語會論事後時人吏竊相謂曰縣官甚不和長官稱兩贊府道晴終日如此非不和平

類聚主簿漢晉有之自漢以來皆令長自調用至隋始置之唐

主簿上轄赤縣置二人他縣一人武德初以流外為之高宗始以為品官吏部選授掌付事勾稽省署抄目糾正縣內非違宋開寶三年詔諸縣千戶以上置令簿尉四百戶以上置令尉令知主簿事四百戶以下置簿尉主簿兼知縣事元各縣皆置主簿一人

常昭辨釋名簿普也關普諸事也簿書必有長者錄書總領之

後漢書仇覽字季智一名香考城令王渙署為主簿謂覽曰主簿聞陳元之過不罪而化之得無少鷹鷂之志耶覽曰以為鷹鷂

鷓不若鸞鳳漢謝遣曰枳棘非鸞鳳所棲百里豈大賢之路今

日大學曳長裾飛名譽皆主簿後耳以一月俸為資勉入大學

其名大振六帖鳳棲之位鴻漸之資職司符印主掌簿書又俾之糾邑山谷詩官棲位覽棘才柏翰林育

晉書謝景仁為豫州主簿在桓元閣下元聞其善彈箏呼之既

至取箏與彈因歌秋風意氣甚適以此大奇之王恂為桓溫主簿人曰短主簿

能令公喜能令公怒

習鑿齒桓溫辟西曹主簿為親密時語曰徒二十年看儒書不

如一詣習主簿

唐畫楊於陵釋褐為句容主簿時韓滉節制金陵於陵以屬吏

諸謝滉甚奇之謂其妻柳氏曰夫人嘗覓佳婿吾閱人多矣無

如楊主簿竟以女妻之後遷為吏部尚書

張豕登科為華陰主簿為守令所抑歎曰丈夫有凌雲蓋世之

志而拘於下位若立身矮屋之下使人擡頭不得乃棄官而去

蘇弁為奉天主簿朱泚之亂德宗倉卒出幸縣令社正元上府

計事聞大駕至官吏惶恐皆欲奔竄山谷弁諭之曰君上避狄

臣下當伏難死節昔肅宗幸靈武至新平安定二太守皆潛遁

帝命斬之以殉諸君知其事乎衆心乃安及車駕至迎扈儲峙

無關德宗嘉之就加試大理司直

外史擣杓王建僭蜀李景上封事以為眉山主簿制曰旌其忠

蓋之心委以髯鬚之職注崔豹古今注羊名髯鬚主簿

揮犀杜甫贈高適詩云腕身簿尉中始與揮楚辭韓愈贈張工

曹詩云判司卑官不堪說未免捶楚塵埃間杜牧寄小姪阿宜

詩云參軍與簿尉塵土驚羞勸一語不中治鞭捶身滿瘡以此明唐之參軍簿尉有過則受笞杖之刑猶今之胥吏也

淵源錄朱光庭調萬年主簿邑人謂之明鏡時程伯淳主鄆縣簿張山甫主武功簿與公皆以才名稱關中號為三傑

宋書葉正簡公顥調黃州南海主簿府帥待制曾開告其子連曰葉主簿宰相器也汝往見之因倡諸部使者薦于朝

陳襄主建州之浦城簿會邑闕令公獨當縣事每聽訟必使數人環列於前私謁者無所發由是邑人知公之不可干老姦宿賊縮首喪氣民畏且愛圖公之像以事之

言行錄程明道任鄆縣簿令以其年少未知之民有借其兄宅以居者發地中藏錢兄之子訴曰父所藏也令曰此無證佐何

以決之明道問曰爾父藏錢幾何時曰四十年矣彼宅居幾何

年曰二十年矣即遣吏取錢十千視之謂借宅者曰今官所鑄錢不五六年即遍天下此錢皆爾未藏前數十年所鑄何也其

訴遂服令奇之

類聚漢大縣兩尉小縣一人長安有四尉分為左右部城東南

置廣部尉是為左部城西北置明部尉是為右部並四百石黃

綬大冠主追捕盜賊伺察奸邪六朝諸縣道尉銅印黃綬朝服

武冠隋改為政後置尉又分為戶曹法曹唐因隋制五代久廢而盜賊鬪競則屬鎮將宋建隆三年始每縣復置縣一員在主簿之下俸賜與主簿同其鎮將只許勾當鎮下煙火爭競公事元置尉一員在主簿之下不署縣事專掌捕盜賊及煙火爭競

公事

魏志曹瞞除洛陽北部尉初入尉廨繕治四門造五色棒懸左

右各十枚有犯禁者不避豪強皆棒殺之京師歛迹莫有犯者

世說司馬防嘗舉曹公為北部尉后曹進爵為王召防至肅與

歡飲曰孤今日可復作尉否曰昔舉大王時適可作尉耳

唐書婁師德補江都尉揚州長史盧承業奇其才嘗謂之曰吾

子有台輔器當以子孫相諉豈可以官屬常禮待之

白居易調置屋尉為集賢校理月中召入為翰林學士

李程為藍田尉

盧坦為河南尉時杜黃裳為尹坦立堂下曰某家子與惡人游

破產盡察之坦曰凡居官廉雖大臣無厚蓄其能積財者必剝

下以致之如子孫能守是天富不道之家不如恣其不道以歸

人黃裳驚其言自是遇加厚

魏奉古授雍丘尉嘗九日公燕有

籍列疏之草序者默然自失列座撫掌奉古徐笑曰適覽記之

非舊習也由是知名時挾蒞汴州召奉古前曰此聰明尉耶他

日持麈目令示奉古一覽便調千餘言

挺驚起曰仕宦且四十年未嘗見此

唐富嘉謨轉晉陽尉與新安吳少微友善同官魏谷倚為太原

主簿皆以文辭著名時人謂之北京三傑

語林商則任廩丘尉為性廉謹縣令丞多貪濁因宴會次第舞

令丞舞訖勸則則把手回身而已令問其故則曰長官動手贊

府亦動手唯有一箇更動手百姓何容活耶人皆大笑朝曰令

丞俱動手縣尉祇回身

吳中紀聞劉綺莊唐崑山尉研窮今古博習傳記作集類百卷

行於世名崑山編

朱履霜則天朝補山陰尉後為姑蔑令著憲問五卷

歐陽詹記說文曰尉畏也亦慰也主也故字從尸示寸量禮

度以敬上示陳教令以諭下尸典職司以居位敬上所謂畏諭

漢尉仲子進南海香物拜為洛陽尉時謂之香尉

下所謂慰居位所謂主

封氏見聞錄嚴安之崔譚俱為赤尉力行猛政譚恐安之名出

已右每事欲先之安之使五伯執大杖引前譚則益麓其杖安

之越麓譚亦轉麓之如此太如椽力不能舉安之遂令執小杖

譚亦益細其杖安之越細譚亦轉細之如此至杖大如筋不能

用安之患其壓已遂都去其杖使五伯空手而行譚果不能學

隋筆唐人呼縣令為明府丞為贊府尉為少府李白有餞陽曲

王贊公賈少公石艾尹少公序蓋陽曲丞石艾尉也

杜詩有野望因過常少仙一篇落盡高天日幽人未遣還蜀士

今銓法以處試吏者從事鞭馬巡檢

注曰少仙應是言縣尉也

神宗實錄胡宿字武平為真州揚子縣尉大水漂溺居民令不

能救宿率公私舟活數千人以張士遜薦召試為館閣校理

尉馮謙後自謂清水見底明鏡照心

紹興正論汪涓字養源尉宜城秩垂滿闕令職狀一紙知州秦

梓意其必求即薦之涓終不屈或問何不從內翰求文字陞陝

曰若為所薦則終身為秦客矣涓不辭再為判司一任

玫瑰集楊王休字子美調台州黃巖尉邑有豪民武斷一方具

得其奸狀白於郡黥隸它州習里歡傳稱公為鐵面少府

張景河南縣尉廳壁記縣尉能禦盜而不能使民不為盜上失

其平下苦其情弱者困死強者偷生盜之常也豈樂盜哉若夫
平聞訟懼兇狡惟盜是禦者尉之職也苟失其人則貪殘誣枉
民不勝弊反甚於盜焉

劉漫塘金壇尉題名令尉秦官至于今不廢令所以字民尉所
以安民職有繁簡重輕等也自漢梅子真由南昌尉棄官好事
者疑其仙去相承以仙名尉尉亦聞風緬想以不事事為高余
切陋之按漢書子真為尉後乃棄官初非不屑其職繼又三上
書議切時政亦非忽然忘世者末年引去蓋有為為之顧指為
仙已不足以知子真豈真知為尉者哉

遜齊閑覽今人號縣令為字民簿為仇覽尉為梅福有王伉者
頑鄙為尉氏尉呼令為薛家或譴之曰君知字覽之義乎縣令
必須識字故謂之字簿與令同覽詞狀者也故謂之覽仇曰然
則尉何以為梅福曰職任雄緊一枚有福人也如足下可謂王

福矣伉嘗為富家主藏故以此譏之
楊廷秀送張元直尉鹽官二首壁水寒壘客春闈擢桂郎折腰
端小耐整翮未須忙德進官無小詩癯譽更香會看兩鷓鴣飛
下蓼灘傍 溧水孟東野南昌梅子真平生一少府千載兩高

人

儒教

類聚漢郡國有文學文翁治蜀起學成都市招下縣子弟以為
學官弟子武帝時天下郡國皆立學校官自文翁為之始平帝
時郡國曰學縣道邑侯國曰校校學置經師一人鄉曰庠聚曰

序序庠置孝經師一人魏晉以下郡國並有文學即博士助教
 之任隋潘徽為州博士唐府郡置經學士各一人掌以五經教
 授開元二十六年敕州縣每鄉之內各置一學仍擇師資令其
 教授宋有四書院廬山白鹿洞高陽書院嶽麓書院應天府書
 院茅山書院未建州學也乾興元年兗州守臣孫奭私建學舍
 聚生徒乞請太學助教楊光輔充本州講書從之餘鎮未置學
 也景祐四年詔藩鎮始立學他州勿聽寶元元年潁州守臣蔡
 齊請立學時大郡始有學而小郡猶未置慶曆四年詔諸路州
 軍監各令立學學者二百人以上許更置縣學於是州郡不置
 學者鮮矣又置教授以三年為一任以經術仁義訓導諸生掌
 其課試之事而糾正不如規者委運司及長史於幕職州縣官

內薦教授或本處舉人舉有德藝者充當時雖置教授或舉士
 人委於漕司而未隸朝廷也熙寧六年詔諸路學官並委中書
 門下選差至是教授始命于朝廷矣若試教官則始於元豐元豐
七年立法試學官上等為博士下等為正錄添差教授則始於
願授教授者聽元符元年詔學官歲一試政和元置各路儒學教授正八品散府上中州教授從八品
 國朝於南北國子監外諸衛府置教授從九品諸州置學正諸縣
 置教諭各有訓導俱未入流分教焉
 漢書光武問武臣曰諸卿不識書自度爵祿何所至也鄧禹曰
 臣少嘗學問可為郡文學匡衡補平原文學明經當世少雙
 言行錄安定胡先生瑗教授蘇湖間三十餘年弟子以數千計
 時尚詞賦獨湖學以經義及時務學中故有經義齋治事齋經

義齋者擇䟽通有器局者居之治事齋者人各治乙事又兼一事如邊防水利之類故天下謂湖學多秀彥其出而筮仕往往取高第及爲政多適於世用若老於史事者由講習有素也歐陽公詩曰吳興先生富道德說說弟子皆才賢

節孝徐先生積時爲楚州教授先生嘗患鄉飲之禮世久不見率郡守舉行其儀閭巷鄉老皆使與飲又著文勸諭子弟室家是日士民在泮者蓋千人矣

宋史紹興十三年宋宙奏乞盡復教官上曰教授須逐州置十二年已有指揮仍須是擇通經心術正者爲之若教官非其人士人心術一壞丹整頓費力切宜遴選也

政和五年臣寮言見任教授不得爲人撰書啓簡牘樂語之類庶日力得餘辨舉業事以副陛下責任師儒之意

續會要特奏名推恩各授縣主學郊恩出官

洪邁福州教授壁記自慶曆詔書郡國大抵悉有學而立官教授則由熙寧始崇寧大觀乃極盛凡版在職方者必建學如中州教授雖秩卑吏部勿敢豫必宰相自推擇而大郡多至四五員文風張施古無有也

適一子師道有五
一曰正習二曰勤業三曰介守四曰崇恬五曰篤善夫言侈而道費象莊而行邪技繁而本剝是以正習之爲貴遊以棄時怠以玩歲是以勤業之爲貴義接而侑行與市焉而以訓誰則能之是以介守之爲貴群而修以俟舉也失者睹獲羨生焉其趨乃懷是以崇恬之爲貴夫右賢左劣植率什

梗乃能動矣是以篤善之為貴行此五者以教可以淑士矣士淑舉用以臧舉臧官用以良官良治用以昌故師也莫重焉

吏部職掌一選用教職 副榜舉人禮部備查年及三十願選

容部選除舊例中上者除署學正教諭中中者除署訓導嘉靖

八年該本部題准俱除學正教諭其訓導員缺通候歲貢考選

下第舉人乞恩就教者禮部引赴廷試容部選除舊例先學正

教諭次訓導俱與實授嘉靖八年該本部題准止選學正教諭

與副榜俱三月選除隆慶五年太學士高題准學官司教非有

民社之寄而又官小家貧不便遠方今後通得選除本省

嘉靖四年大學士徐題將下第造選舉人於內考選三四員供事該本部考選得正卷唐文燦等四卷備卷四卷進呈其取中合殿試中書舍人許

杜甫醉歌贈鄭廣文諸公衮衮登臺省廣文先生官獨冷甲第

紛紛厭梁肉廣文先生飯不足 又戲簡才名三十年坐客寒無

劉克莊送方子約赴衢教博士非如吏巍然道自居諸生趨避

席太守揖升車朱筆濃批卷青燈細勘書漢廷重文藻行矣召

嚴徐

司獄

類聚五代以來諸州皆有馬步獄以牙校充馬步都虞候掌刑

法謂之馬步院太祖慮其任私高下其手開寶六年始置諸州

司寇察軍以新進士及選人為之後改為司理 名雖同今司獄實為各府推官

職之國朝設刑部司獄都察院司獄都布按司獄府司獄 俱從九品

漢書曹參以獄為寄屬齊後相曰慎勿擾獄市所以并容擾之

奸人何所寄

宋史司理以專鞫獄事劇者置二人太平興國九年詔曰司理參軍專於推鞫研覈情實尤在得人宜令本州於見任簿尉判司內選明敏有官業者充秩滿當與升資罷軟不任其職可以選官代

言行錄范文正公仲淹為廣德軍司理日抱其獄與太守爭是非守盛怒臨之公不為屈歸必記往復辯論之說于屏上至守無所容比去貧止一馬鬻馬徒步而歸姪莘老以詩記其事維持往往行下枉直情必通太守異趣舍挺然不曲從有爭事救之粉屏記其終官小俸祿薄家居率窮空賣馬以自給徒步氣彌充

類聚宋有沿邊溪洞都巡檢或蕃漢或數州數縣管界或一州

縣巡檢掌訓練甲兵巡邏州邑擒捕盜賊事又有刀魚船戰棹巡檢江河淮海置捉賊巡檢又巡馬遞鋪巡河巡捉私茶鹽等各視其名分以修舉職業皆巡邏監察之事大元有大都四關廂巡檢 國朝亦置巡檢司從九品以主譏察焉

東都事畧曹光實為黎雅都巡檢安集勞來民夷懷之召還太祖喜曰此蜀中之俊傑也

何灌字仲源由武舉為府州黃河東岸巡檢賈胡潼有水泉子虜嘗越境南汲灌慮異日為邊患盡折絕之虜忿聚兵千山馳薄官軍灌迎高射之發輒中或著岸石皆沒鏃後虜官肅太師者會灌於雄州言水泉子之戰嘆何巡檢神射灌曰灌是也

為永安巡檢群盜聞桑殿直來皆遁去

職畧景德三年封事者言諸處巡檢務在武勇疆明乞不以閩楚江浙川陝人為之上謂樞密王欽若曰人之勇怯豈拘南北若此區別非任人之道

傅堯俞書汭淮巡檢廳壁巡檢職捕盜職舉則盜去如失其職兵皆盜也何則上既不戢下從而縱恃賴勢力侵漁良民非盜而何噫竊鼠狗偷者逐可去捕可擒係縲囚戮其勢易制至於士兵一得縱放則欺擾公行使民口膠舌結禁不敢出聲是誠盜之巨者

洪邁乞禁巡檢迎送切惟巡尉之職以捕盜賊督姦猾為職未嘗責其將迎上官巡視傳舍也而間者以來惟事趨走漫不復以職事為意而最甚者如都巡檢使所部或連三州或跨兩路凡監司守貳之去來必候之於境上所帶兵卒數十輩無俸可借則斂之衆軍以給所歷道路數百里無貨可贍則取之村民以濟若所除監司又或改命往往空行空反動涉一兩月設部內不虞而有鼠竊狗偷之盜當以何人捕之夫居此官者亦豈真為奔走之役哉一或不至則上官以為失禮因緣摭撫使不安位故相承為例

驛站

周禮地官凡國野之道十里有廬廬有飲食三十里有宿宿有路室路室有委十里有市市有候館候館有積

行人掌邦國遽傳之事左旦使遽告於鄰又乘遽而至言欲速至詩江漢注克勝則使傳遽告功于王釋文以車曰傳以馬曰遽

漢書田橫傳傳詣洛陽如淳曰律駟馬高足為置傳四馬中足為馳傳四馬下足為乘傳一馬二馬為輶傳急者乘一馬曰乘傳師古曰傳者今之驛古者以車謂之傳車其後以馬謂之驛騎青箱雜記唐以前館驛並給傳往來關元中驛務從簡便方給驛券驛之給券自此始也

前平紀一封輶傳注如淳曰律諸乘傳及發駕置傳者持尺五木封以御史大夫印其乘傳者參封之有期會者累封四端各兩兩凡四封乘置傳者五封之兩端各二中央一也輶傳再封之一馬一封宣帝詔吏或飾厨傳稱過使客取名譽周語敵國驛賓至關尹以告劉晏云州縣取富家主郵通謂從

大人賦糾蓼叫暴踏以腰路子張捐曰腰着也下着道也狡獵賦駢衍必浴師古曰似次比也一曰滿也

武爵

考索漢刑法志高祖既定天下踵秦而置材官於郡國京師有南北軍之屯至武帝平百粵內增七校外有樓船皆歲時講肄備武備云南軍光祿勳衛尉掌之北軍中尉掌之故胡廣曰衛尉巡行宮中執金吾徼於外相為表裏以討猾擒奸漢之南北軍正猶唐之南北衙也南衙衛兵是也左右羽林左右龍武左右神武總曰六軍北衙禁軍是也唐末強臣悍將滿天下天典領之官則大尉上將軍衛將軍分掌之吏則中壘校尉北軍中候之流僚屬之員則南北皆有軍正與丞唐府兵之制二十為兵六十而免而民無常兵之勞三時耕稼一時治武而兵無常聚之患六家而賦一兵是不悉民以為兵也六家而供一兵是不仰給於官也宿衛

者一月而更戍兵者三年而代則所以役民者甚簡也置府六百而居關中者三百六十舉天下不敵關中所以明乎輕重之勢兵散于府將歸于朝而無握兵之重所以杜乎禍亂之源若夫器甲則出於民戍兵衣糧則又取辦於民國無養兵之費唯元從禁兵與番上衛兵或出征者有所給焉至於教戰調發亦有可考者折衝以農隙教戰陣按閱不精則罪至折衝弁及刺史此其教戰者也國家有所召發必下符契於郡府參驗乃發此其調發者然也夫府有三等千二百人為上千人為中八百人為下府有折衝都尉左右果毅都尉又有別將長史兵曹校尉旅帥等官以其等級相統治則有坊團隊火之制有十六衛而下驍騎武衛等每衛有大將軍有將軍有中郎將凡兵士隸衛各有其名如射聲至玄宗募曠騎以宿

衛而無可交之兵在內之勢日輕置長征於邊而精銳成聚西址在外之勢日重十道置使徧於邊陲而藩鎮有強盛之勢節度之職盡用胡人而國家無藩籬之助漁陽之變豈待智者而後知哉宋統軍官內有三衙殿司馬司步司宋沿五代之制有侍衛親軍及殿前兩司蓋侍衛親軍起於後唐殿前始於周世宗顯德元年宋初侍衛親軍置都指揮使雖都虞候亦在殿前都指揮使上自王心罷職無復任者而侍衛司馬軍步軍遂分為二并殿前號三衙而馬步二軍始居殿前司之下馬三司天下之兵柄皆在其權雖重軍政令則在樞密四廂之制外有總管鈐轄都監將官之制中興以來公江置都統之官此內外掌兵之任也宋朝待武臣以節度使留後觀察防御團練使刺史為正任以殿前馬步軍以內客省使客省引進四方館東西上閣門使副為橫行以通事舍人閣門祇候為閣職以橫行使及諸州帶防禦團練使刺史為遙郡以諸司使副內殿承制崇班為大使臣供奉官侍禁殿直供奉職為小使臣殿前司有都指揮使副指揮使都虞候下二司同都指揮以節度為之副指揮都

虞候以刺掌殿前諸班直及步騎諸指揮之名籍統制訓練番衛戍守遷補賞罰皆總其政令入則侍衛殿陛出則扈從乘輿大禮則提點編排整肅禁衛鹵簿儀仗掌宿衛之事

馬軍司 掌馬軍諸都指揮之名籍凡統制訓練番衛戍守遷補賞罰皆總兵政令餘所掌如殿前司政和中詔以馬軍都指揮使馬軍副都指揮使在正任觀察使之上馬軍虞候在正任防禦使之上中興以來主管侍衛馬軍司一員常出戍建康

步軍司 掌賞罰諸指揮之名籍凡統制訓練番衛戍守遷補賞罰皆總其政令餘所掌如殿前司政和中詔以步軍都指揮使副都指揮使在正任觀察使之上都虞候在正任防禦使之上中興以來主管侍衛步軍一員宋初沿後周有殿前都點檢在都指揮使上後不置

四廂

殿前司捧日

舊曰日騎

天武

舊曰控鶴

馬軍司龍衛

舊曰龍捷

步軍司

神衛

舊曰虎捷

謂之上四軍各有左右廂廂各有三軍

都總管副總管

魏黃初始置都督諸州軍事後周改都督諸軍事為總管武帝時以王謙為益州總管總管之名始此隋文帝以并益荆揚四州置大總管其餘總管府置於諸州列于上中下三等加使持節煬帝改師都督為旅帥唐諸州復有總管亦加使持節武德初邊要之地亦置宋朝馬步軍都總管以節度使充副總管以觀察以下充有止一州者有數州為一路者有帶兩路三路者或文臣知州則管勾軍馬事舊相重臣亦為都總管

都統副都統

唐天寶末置天下兵馬元帥都統朔方河東北

平廬龍節度使都統之名始於此乾元初李峘除都統淮南江東西節度使宣慰觀察處置等使都統之號始於此唐制或總五道或總三道大中後討徐州以康承訓討黃巢以荆王鐸皆為都統黃巢之難置諸道行營都統掌征伐兵罷則省雖總諸道兵馬不賜旗節宋朝中興置統制一時兵興稱謂不一諸道起兵有自稱統制者州縣管押勤王兵者亦有稱統制者諸道都總管及諸州使宜差充統制者唐興元中置副都統紹興中亦有副都統

都鈐轄副鈐轄 宋以朝官及諸司使充或一州或一路或兩路或三路亦無都字者建炎中要郡守臣兼都鈐轄以武臣為副改諸路都監為副鈐轄

弁州別集

國朝兵制永樂八年北征始分步騎為五軍命靖

遠侯王友督中軍寧遠侯何福督左哨武安侯鄭亨督右哨寧陽侯陳懋督左掖廣恩伯劉才督右掖尋別選輕騎為前哨命都督劉江等充遊擊將軍督之又以都督薛祿冀中等充驃騎將軍都指揮侯鏞陳賢等充神機將軍都督金玉等充鷹揚將軍都指揮李文等充輕車將軍分督精卒不隸五軍十二年正月北征歸京師則為五軍大營五軍營中軍左掖右掖左哨右哨管操練京衛及中都山東河南大寧三都司輪班騎步兵景泰中用兵部尚書于謙議擇三大營精銳騎兵十萬分為十營團操以備緩急是為團營而以兼總督武清侯石亨昌平侯楊洪安遠侯柳溥為總兵太監曹吉祥劉永誠等監之餘步騎仍

歸三大營曰老營天順初罷八年復置成化初罷三年復置分
 爲十二營凡十二萬人曰奮武耀武練武顯武敢勇果勇効勇
 鼓勇立威伸威揚威振威嘉靖庚戌改京營總兵曰總督戎政
 將校亦如之隆慶四年大學士趙貞吉奏將見操官軍分爲左
 右中前後五營各擇一將分統責令開營訓練而以文臣巡覈
 之收戎政印歸之內府有事則領勅掛印而命將聞外事完則
 繳勅納印而歸將營中下兵部議不盡合乃請仍舊制分五軍
 神樞神機三大營各以總兵一員統之各給勅關防而以文職
 大臣一員總理之餘如貞吉言近年以來雖將有廉貪政有叢
 舉而夙弊大約如故京師陸海易以影射一也輦轂權貴所萃
 動則掣肘二也人不見敵縱有拳勇不習戰三也嗚呼欲兵之

強得乎

職方考鏡兩京都督府分隸各都指揮使司十六 行都司五

留守司二 衛四百九十三 守禦群牧所三百五十九

儀衛司二十五 宣慰司二 宣撫司六 安撫司十七 招

討司一 長官司六十四 蠻夷都司衛所長官司四百六十

三

會典武選司資格五軍都督府左右都督俱正一品同知從一品 僉事

留守司洪武初置中都留守嘉靖增置興都留守司正正二品 司

副正三品 指揮同知從三品

都指揮使司都指揮使正二品 都指揮同知從二品 都指揮僉事正三品

衛指揮使

正三品

指揮同知

從三品

指揮僉事

正四品

衛鎮撫

從五品

所正千戶

正五品

副千戶

從五品

所鎮撫

從六品

百戶

正六品

儀衛司儀衛正

正五品

儀衛副

從五品

典仗

正六品

宣慰使司宣慰使

從三品

同知

正四品

副使

從四品

僉事

正五品

宣撫司宣撫

從四品

同知

正五品

副使

從五品

僉事

正六品

安撫司安撫

從五品

同知

正六品

副使

從六品

僉事

正七品

招討司招討

從五品

副招討

正六品

長官司正官

正六品

副長官

從七品

凡五府大臣并管理府軍前衛侯伯與錦衣衛堂上掌印僉書官嘉靖年題准每遇考選軍政之年俱聽自陳去留取自上

裁其有不協公論者許言官糾拾萬曆七年令各省直總兵官照例自陳

凡錦衣衛官嘉靖年題准除皇親帶俸原不管事達官營操不係管理軍政等官難以考選外其餘若指揮在所管事并千戶以下等官不拘見任閑住俱聽本衛堂上掌印正官從公開註賢否履歷送部會同議擬與騰驤四衛一併嚴加考選果有廉能可用仍舊管事如行止不堪一體帶俸革任

階勲

考索唐階曰開府儀同三司從一品特進正二品光祿大夫從二品金紫光祿大夫正三品銀青光祿大夫從三品正議大夫正四品上通議大夫正四品下大中大夫從四品上中大夫從

四品下中散大夫正五品上朝議大夫正五品下朝請大夫從五品上朝散大夫從五品下朝議郎正六品上承議郎正六品下奉議郎從六品上通直郎從六品下朝請郎正七品上宣德郎正七品下朝散郎從七品上從議郎從七品下給事郎正八品上徵事郎正八品下承奉郎從八品上承務郎從八品下儒林郎正九品上登仕郎正九品下文林郎從九品上將仕郎從九品下凡二十九宋朝舊階曰開府儀同三司特進以上宰相使相階光祿大夫金紫光祿大夫正奉大夫以上執政階朝請大夫朝散大夫朝奉郎宣德郎承事郎承奉郎儒林郎文林郎登仕郎將仕郎以上為京朝官至侍從階凡十有五元豐新制以階易官乃襍取唐及祖宗舊制而損益之定為二十四階號

寄祿新格元祐初三光祿正議中散朝議六階各分左右詞人

為左餘人為右既而寄祿官並分左右壁史元祐董正官制易其稱呼元祐間議者以為無以甄別流品遂詞人加左字餘人加右字而著令將詞人

有犯貪墨者去左而稱右庶以為戒予時守江夏且以為詞人犯貪而稱右可以為戒然餘人合稱右者得無耻乎又若餘人犯貪墨則復何以為戒也請應貪墨吏詞人則去左餘人則去右此庶幾有別而有所懲

三代之制諸侯之婦曰夫人大夫曰孺人士曰婦人庶人曰妻

公侯有夫人有世婦有妻有妾凡婦人無爵從夫爵坐以夫之

齒至秦漢始有封君之號唐外命婦制皇后妃嬪及太子良娣以下為內命婦公主及

王妃以下諸王母妻及妃文武官一品國公母妻為國夫人三

品以上母妻為郡夫人四品母妻為郡君五品母妻為縣君散

官同職若勳官四品有封母妻為鄉君其母邑號皆加太字視

夫子之品宋舊制外命婦有國夫人郡夫人郡君縣君之號政

和詔云命婦猶列郡縣以稱君蓋非婦道乃別造新名執政以上封夫人尚書以

上封淑人侍郎以上封碩人大中大夫以上封令人中散大夫

以上封恭人朝封大夫以上並封宜人朝奉郎以上封安人通

直郎以上封孺人

書言宋都侯孟懷王母拜國夫人隋高涼女子佺氏世為南越

首領有功用為高涼郡夫人再冊譙國大夫人婦人之封始齊

侯與女子石窳也其後前漢武帝封太后徵時金王孫家所生

女號脩城縣君此又縣君之號唐制四品妻為郡君五品縣君

其母邑號皆加大君之稱

吏部職掌驗封司文職散官 在京行各衙門查明南京侯南

京吏部咨到各類題每年春秋二次歷俸三年初考稱職與陞

授散官六年考滿稱職與加授散官若考覈平常不准陞授加

授近外官俱不題散官 正一品初授特進榮祿大夫陞授特

進光祿大夫加授贈特進光祿大夫上柱國從一品初授榮祿

大夫陞授光祿大夫加授贈光祿大夫柱國正二品初授資善

大夫陞授資政大夫加授贈資德大夫從二品初授中奉大夫

陞授通奉大夫加授贈正奉大夫正三品初授嘉議大夫陞授

通議大夫加授贈正議大夫從三品初授亞中大夫陞授中

大夫加授贈太中大夫資治少尹正四品初授中順大夫陞授中

憲大夫加授贈中議大夫從四品初授朝列大夫陞授朝議大

夫加授贈朝請大夫正五品初授奉議大夫陞授奉政大夫從

五品初授奉訓大夫陞授奉直大夫正六品初授承直郎陞授
 承德郎從六品初授承務郎陞授儒林郎吏員材幹者宣德郎
 正七品初授承事郎陞授文林郎吏員材幹者宣議郎從七品
 初授從仕郎陞授徵仕郎正八品初授迪功郎陞授修職郎從
 八品初授迪功佐郎陞授修職佐郎正九品初授將仕郎陞授
 登仕郎從九品初授將仕佐郎陞授登仕佐郎洪武文職一品
至五品例與加
贈正德二品以上方加贈
嘉靖陣亡死節官准加贈
 誥勅文職 文職官一品至五品該領誥命六品至九品該領
 勅命正從一品封贈三代正從二品封贈二代正從四品至
 正從七品封贈一代正從八九品止封本身俱止一次正從七
 品至正從六品止封贈父母一次陞至五品一次至三品一次

至二品一次至正從一品一次合封一代三代者曾祖祖父俱
 照見任職事對品封贈其正從一品曾祖母祖母妻俱封贈
 一品夫人二品夫人三品淑人四品恭人五品宜人六品安人
 七品母妻封贈孺人父母見任不封在任棄職就封者聽已致
 仕職高於子者於原職上進散官一階並無加授例若冠帶閑
 住職卑於子者俱照子官封贈該封繼母者止封見在繼母一
 人若前繼母曾因其父授封後繼母見在未封者合從子官封
 諸子應封父母嫡母在生母并妻不得封嫡母亡得並封贈嫡
 母雖在而生母先亡者其生母亦得追贈封妻止正妻一人如
正妻未封已沒繼室
當封者正妻亦當追封其繼室止封一人一命婦因子孫品
級封母并祖母並加大字若已沒或曾祖祖父在者不加大
 子當封從一高者婦人因其子封而夫子兩有官亦從一高者

三母不得並封事例查得隆慶元年禮部員外戚鍾音戶部主事彭文質比照先年主事熊過事例乞將二嫡母並生母俱封奉旨係登極特恩以後止許嫡母一人生母一人繼嫡母不得一槩並封嘉靖三十八年修撰諸大綬奏稱三年考滿例應請給勅命但臣先年過繼叔父為嗣封例止所繼父母本身及妻而本生父母不封乞要比例將本身及妻應得勅命移封本生父母等因該本部查得本官雖出繼而撫養教訓仍賴本生父母見今二母同居就養若一封一否人子之心深為不堪又查與豐城侯李熙等事例大畧相同奉旨准移封成化元年奏准在京品官考滿仍得本身勅命或以親老乞要移封者奏請定奪原無移贈之例正統十四年奉詔凡外官曾經撫按官保舉俱有卓異政績者不拘三六年考滿先與應

得誥勅旌異蓋九年例得封贈者所以待常流三六年先行旌典者所以優異等但舊例薦舉官員必須轉行巡按覈實方與奏請往廷動經歲月以致恩典稽遲近該節奉欽依外任官員但有及民善政撫按官員舉保覈實的你每便查明具奏照例給與正統二年奏准收糧經歷三年考滿任內收糧十萬石之上者給與勅命不及者不准又職官封贈後犯受賍等罪並行追奪弘治十一年令各官考滿已奏准給授誥勅未領因事降調者非犯貪淫酷刑仍給與正德五年令文官有間住為民充軍非犯賊罪皆不追奪曾祖祖母父母母曾犯十惡奸盜除名等項及母妻不係以禮聘娶正室或係再醮倡優婢妾並不許封贈

舉薦衙門 各省直巡撫轄一省者及該轄地方准正薦各處巡按御史准正薦 總督三邊宣大薊遼及河道操江等都御史各處俱有巡撫不准正薦巡鹽巡茶巡江巡倉提學清軍印馬屯田查盤備運各御史閱視侍郎俱不准正薦 萬曆十三年題淮南贛鄖陽都御史薦舉照依延綏甘肅寧夏事例一體

作為正薦其傍薦除南北直隸差多薦易者仍以三次為準其各省但有傍薦不拘三次

稽勳司貼黃 每歲終稽勳司官吏以除過官員用黃紙二開

註脚色類奏用寶送印綬監分貼內外黃春秋二季司官赴

內府清黃續附轉貼事故者通類具奏開揭於事故冊內類註

開寫下落緣由存照

考滿授勳 在京在外五品以上文職六年考滿復職後例應

授勳京堂單題餘上下半年類題一品左右柱國從一品柱國

正二品正治上卿從二品正治卿正三品資治尹從三品資治

少尹正四品贊治尹從四品贊治少尹正五品修正庶尹從五

品協正庶尹

賢爽編今人稱泰山五大夫獨黃美為始皇上泰山風雨休松樹下遂封五大夫蓋秦官名第九爵

也

兵部武選司一武官勳祿 正一品勳左柱國右柱國月支祿

米八十七石從一品勳柱國月支糧米七十四石 正二品勳

上護軍月支祿米六十一石從二品勳護軍月支祿米四十八

石 正三品勳上輕車都尉月支祿米三十五石從三品勳擊

車都尉月支祿米二十六石 正四品勳上騎都尉月支祿米

二十四石從四品勳騎都尉月支祿米二十一石 正五品勳

驍騎尉月支祿米一十六石從五品勳飛騎尉月支祿米一十

四石 正六品勳雲騎尉月支祿米一十石從六品勳武騎尉

月支祿米八石

武官階級

正一品初授特進恭祿大夫陞授特進光祿大夫

從一品初授榮祿大夫陞授光祿大夫正二品初授驃騎將軍
 陞授金吾將軍加授龍虎將軍從二品初授鎮國將軍陞授定
 國將軍加授奉國將軍正三品初授昭勇將軍陞授昭義將軍
 加授昭武將軍從三品初授懷遠將軍陞授定遠將軍加授安
 遠將軍正四品初授明威將軍陞授宣威將軍加授廣威將軍
 從四品初授宣武將軍陞授顯武將軍加授信武將軍正五品
 初授武德將軍陞授武節將軍從五品初授武畧將軍陞授武
 毅將軍正六品初授昭信校尉陞授承信校尉從六品初授忠
 顯校尉陞授忠武校尉

官俸

考索漢書自中二千石至百石凡十三等中二千石月俸百二

千石百石至百石十六宣帝益天下吏百石以下奉十五石若

益五斗後漢永初凡諸受俸皆半錢半穀延平中定制中二千

石月俸錢九千真二千石錢六千五百比二千石錢五千

石錢四千六百石錢三千五百四百石錢二千五百三百石

錢二千二百石錢一千百石錢八百臘及立春更頒賜有

差宋永元初制州郡秩俸隨土所出無有定準有父母祖梁武

帝天監初定九品令帝於品下注一品秩為萬石第二第三品

為中二千石第四第五品為二千石及侯景亂國用常福京官

文武月唯別得廩食多遙帶于郡縣官而取其祿秩焉隋京官

正一品祿九百石其下每以百石為差至正四品是為三百石

從四品二百五十石其下每以五十石為差至正六品是為一

百石從六品九十石以下每以十石為差至從八品是為五十石食封及官不判事者并九品皆不給祿宋朝太祖乾德四年詔宜準漢乾祐三年勅復於中等無色役戶內置俸

稽勳司官員俸給在京文職月俸舊三分本色七折鈔其本色不拘大小官員內除每月食米一石在京本衙門關支餘米

分行南京支給其折鈔仍俱在京關支折鈔米每石折鈔二十貫每鈔二百貫折布一疋每布一疋折銀三錢行大倉關支內

食米今亦在太倉關支正一品該一千四十四石

二十七石六斗內食米一石折銀絹二十六石六斗折色鈔米五十九石四斗除支米十二石外折絹與俸銀共二百四兩八錢從一品八百八十八石

石七斗折色鈔米五十五石三斗實折與俸銀一百七十四兩七錢正二品七百三十二石

九石八斗折銀絹一十八石八斗從二品五百七十一石

月支米四十八石本色一十五石九斗折銀絹一十四兩七錢零

正三品四百二十石折銀絹一十五石折銀絹一十一石折銀絹一十一石折銀絹一十一石折銀絹一十一石

共銀八十錢從三品三百十二石折銀絹一十一石折銀絹一十一石折銀絹一十一石折銀絹一十一石

一十六石七斗共正四品二百八十八石月支米八石七斗折銀絹一十一石折銀絹一十一石折銀絹一十一石

七斗共銀五十九兩二錢零從四品二百五十二石月支米八石七斗折銀絹一十一石折銀絹一十一石折銀絹一十一石

一十六石本折銀絹一十一石折銀絹一十一石折銀絹一十一石折銀絹一十一石折銀絹一十一石

月支一十四石本折銀絹一十一石折銀絹一十一石折銀絹一十一石折銀絹一十一石折銀絹一十一石

石月支一十四石本折銀絹一十一石折銀絹一十一石折銀絹一十一石折銀絹一十一石折銀絹一十一石

銀絹三石七斗共銀三十四兩六錢從六品九十六石月支米七石五斗折銀絹一十一石折銀絹一十一石折銀絹一十一石

五斗鈔三石共二從七品八十四石月支七石本色四石三斗
 十六兩九錢零正八品七十八石月支六石五斗本色四石一斗
 兩四錢零正八品七十八石月支六石五斗本色四石一斗
 二十三兩從八品七十二石月支六石三石九斗銀絹二
 八錢零從八品七十二石月支六石三石九斗銀絹二
 三錢正九品六十六石月支五石五斗本色三石七斗銀絹一
 零正九品六十六石月支五石五斗本色三石七斗銀絹一
 分從九品六十石月支五石五斗本色三石五斗銀絹二石五斗鈔
 米一石在本色米內

武職府衛官俸視文職惟本色折銀例每石二錢五分其月支
 米并折絹鈔俱同文職而優給優養官亦視見任武品止于從
 六外有試百戶月俸五石署試百戶月俸三石俱米鈔燕支雖土官有從七品
 不支俸若三大營副將遊擊等官每員月支五石巡捕提督并
 參將亦如之京營選鋒把總月支三石巡捕中軍把總旗牌官

半以上因事別給者非常祿之限

職方考鏡勳戚歲支祿米公五魏國徐五千成國朱四千二英
 國張三千二黔國沐三千定國徐二千五侯二十定西蔣恭順
 吳俱一千撫寧朱一千一懷遠常臨淮李定遠鄧靈壁湯武定
 郭泰寧陳武安鄭定遠顧永康徐隆平張寧陽陳西寧宋安遠
 柳懷寧孫俱一千陽武薛保定梁各八百豐城李五百伯三十一安
 成郭興安徐襄城李新寧譚應城孫平江陳成山王安卿張遂
 安陳忻城趙崇信費南寧毛宣城衛彰武楊武平陳豐潤曹懷
 柔施伏羗毛武靖趙彭城張新建王建平高駙馬都尉俱八武
 進朱南和方清平吳東寧焦寧晉劉靖遠王各八誠意劉廣寧
 劉各七惠安張一千一百石各應襲優給歲止支米一百二十
 石惟西寧侯應襲全支原給蘇州張文淵內

米

銓敘

考索成周之時鄉大夫鄉老舉賢能而賓其禮司徒教三物而與諸學司馬辨官材以定其論太宰詔廢置而持其柄內史專與奪而式於中司士掌其版而知其數論定然後官之任官然後爵之位定然後祿之蓋擇才如此之詳也漢成帝建始初置常侍曹尚書一人掌郡國二千石蓋選曹之所起也後漢光武改常侍曹尚書為吏部尚書其時選舉於郡國屬功曹於公府屬東西曹於天臺屬史曹尚書亦曰選部而尚書令總之安帝永嘉中左雄議改察舉之制限四十以上儒者試經學文吏試章奏如有顏回子奇之類不拘年齒黃瓊議增四科孝弟及三能從政

國魏文帝時陳群立九品官人之法州郡皆置中正以定其選

中正以州郡之賢者為之有言行脩著或以五升其武選俾護

四以六升五道義虧則或自五退六自六退七軍主之晉依魏氏九品之制內官吏部尚書司徒左長史外官

有大中正州郡有小中正皆掌舉選其後中正任久愛憎由已而九品之法漸弊劉毅上疏曰九品有八損而官才有三難請

復鄉舉里選之法後魏文帝時崔亮乃奏不問賢愚以停解日

月為斷隋制尚書舉其大者侍郎銓其小者則六品以下官吏

咸吏部所掌自是海內一命以上之官州郡無復辟署矣唐制諸王及職事正三品以上若文武散官三品以上及都督都護

上州刺史之在京師者用受五品以上皆制授五品以下守五

自六品以下皆受悉由尚書文官屬吏部武官屬兵部謂之銓
 選文武選事各分為三銓尚書典其一侍郎分其二凡選始於
 孟冬終於季春其擇有四事曰身言書判四事可取則先乎德
 德均以才才均以勞六品以降計資量勞而擬官五品以上不
 試列名上中書門下聽制勅凡選以類為甲先簡僕射乃上門
 下省給事中讀之黃門侍郎省之侍中審之不審者皆得駁下
 既審然後主上者受旨而奉行焉給告身武選亦然其黔中嶺
 南閩中之官不由吏部謂之南選凡入試判查科則謂之入等
 而其拙者則謂之縵縷選未
 滿而試文三篇者謂之宏詞試判三條者則謂之拔萃而其中
 者則以官授之此選法之大畧也自是而外又有所謂小選曰
 東選曰南選之名凡流外兵部禮部舉人即官得自主
 之者則謂之小選東人選者或集于洛州則謂之東選武后以
 選人多不實令糊名暗考以定第及中宗帝氏太平公主神龍

後除官不由宰司墨勅斜封便拜

凡數千員內外謂之三無坐
 處言宰相御史及員外郎也

帝氏敗始以宋璟為吏書姚元之為兵書悉奏罷斜封官雖資
 高考深非才實者不取初尚書銓掌七品以上選侍郎銓掌八
 品以下選至是通其品而掌焉玄宗以選試不公乃置十銓試
 人天寶中楊國忠以吏部尚書三銓注官皆自專之與左相唱
 注以誇敏速由是不經門下省審侍郎不得參議肅代以後銓
 注無可道者德宗時沈既濟有四太之說入仕之門太多世胄
 之家太優利祿之資
 太厚督責
 之令太薄宋太祖承五季之弊文武常參官非有勞者未嘗進
 秩考滿敘遷之法稍不復舉當是時京朝隸中書三班屬樞密
 主管差遣磨勘之法歸之大臣則是大臣實司黜陟之權太宗
 淳化建審官院為黜陟之地量才較積而引對不廢其無功可

錄者至有供奉官四十年不遷

典選之制分為四文選曰審官東院曰流內銓武選曰審官西

院曰三班院

元豐定制而後銓注之法悉歸選部以審官東院為尚書左選

流內銓為侍郎左選審官西院為尚書右選三班院為侍郎右

選

吏部職掌文選司進士除授 禮部咨送新科進士一甲吏部

照例具題第一名從六品授修撰第二第三正七品授編修二

三甲另題分撥辦事照名序六部都各二員通大各一員週而

復始榜末十餘員俱留本部其俸給二甲從七品三甲正八品

關支候半年以上具題取選近多於六月 有試中書舍人中進士只照甲第除遷

有嘉靖年陸燁例二甲內主外州三甲內中行評太常慎外推官知縣

